

民國三年三月一日

外國大事記

第十九條 試驗委員會。以每屆試驗事畢解散之。

第二十條 關於試驗之預備及補助事宜。由內務部辦理。

第二十一條 知事試驗舉行日期。由內務總長以部令定之。

第二十二條 國務總理各部總長暨各地方最高民政長官。認

為有富於政事學識或政事經驗之人。得出具保薦文。送請內務總長准免試驗。

第二十三條 依前條規定保薦者。其保薦文內。除開明姓名

年歲籍貫外。須就左列事實之一。加具切實考語。

一 有何種政事學識。須檢送其著述。

二 有何種政事經驗。須列舉其成績。

但保薦人員具備前二款資格者得並列之。

第二十四條 前條保薦人員。由內務總長覈明。彙交主試委員審查會同委員長決定之。

但委員長得委任襄校委員助理審查。

其審查決定仍須試驗者。不適用第二十五條之規定。但得

免其甄錄試。

第二十五條 經前條主試委員審查會同委員長決定免試者。

由委員長具呈。經由國務總理呈請大總統核准。

第二十六條 應本條例之試驗及格。取列甲乙等及核准免試

者。得任為行政公署之薦任官。

第二十七條 本條例之施行細則。由內務總長以部令定之。

第二十八條 本條例自公布日施行。

同 十四日

● 昌黎交涉案解決……去歲九月。直隸昌黎縣日兵槍斃華僑案。

經外務部於十一月間。向日使提出要求條件。日使初不承認。

外交曹次長竭力抗爭。與日使山座氏會晤二十餘次。近始解決。

日使允將滋事軍人交法官特別委員審問。給已死之警長卹金六

千元。巡警四名每名五千元。本日由日使帶同參贊至國務院向

孫外交總長道歉。

同 十五日

● 任命劉思源督辦浦口商埠事宜

葛拉福。在伊畢拉斯地方獨立。號稱伊畢拉斯國。通告列國委員。並請勿以兵力干涉。列國委員。已請命於本國政府。

26144 ●俄國注意亞爾巴尼亞國境……俄政府通告希臘塞爾維亞兩國。勸其尊重亞爾巴尼亞之國境。

●英勞動派反對南非總督之運動……英國勞動派。反對南非總督放逐罷業首領一事。在巴特巴克行大示威運動。擬派英國著名之示威運動家。將被逐首領送歸南非。

●美國對於英人被殺之靜默……英人卜登。為墨西哥革命軍所殺。確無犯罪情事。惟美政府對於此事。殊執靜默之態度。已通知駐美英使。請其直接向墨西哥革命軍交涉。並中止調查被殺原因。僑墨英人。電請本國政府嚴重交涉。

同 二日

●南非聯邦議會承認政府行動……南非聯邦議會。對於政府發布戒嚴令及放逐勞動首領之行動。開調查會討論。由多數投票認可之。

●墨西哥革命軍領袖會議……墨西哥革命軍加蘭撒。召集各軍領袖。會議英人卜登死刑事件。決定設委員會調查處死原因。

●英國海軍追加豫算……英國下院通過海軍豫算追加案。

同 三日

●墨西哥之戰事……墨西哥政府軍與革命軍。又在的波洛班浦會戰。

同 四日

●美總統改正運河法之教書……美國大總統威爾遜。在國會朗誦教書。以運河法違背條約。且有外交政策上困難之事情。勸

導改正之。

●巴西之內亂……南美巴西西國細拉班州。忽起革命。人心大震。略代喬內羅已布告戒嚴。

●英國下院議員請參加巴拿馬博覽會……英國下院議員三百五十八人。連名呈請政府參加巴拿馬博覽會。謂拒絕之舉。於英國貿易不利。不僅對美關係云。

同 五日

●法國主張干涉伊畢拉斯……法國發表對待伊畢拉斯之主張。決計加以干涉。將新國家組織從速解散。

同 六日

●維德公入亞爾巴尼亞……亞爾巴尼亞新元首維德公。偕其妃入亞爾巴尼亞境內。亞爾巴尼亞人熱誠歡迎。

●英國艦隊赴義……英國地中海艦隊。訪問義國。義人開會歡迎之。

同 七日

●希臘預備封港……希臘政府已決定若得列國之同意。將封鎖伊畢拉斯之山加蘭塔港。

同 八日

●義大利內閣辭職……義大利聖列璣內閣因黨爭辭職。

●英國愛爾蘭自治案之爭執……英國總理大臣愛斯克斯氏。在下院宣布對於烏爾斯太之讓步案。統一派領袖波奈維。反對其說。主張烏爾斯太永遠除出自治範圍之外。

●奧門之交涉……奧地利軍與門的內哥羅軍。在奧國國境內衝突。門軍四人。為奧軍所殺。翌日。由門軍司令官向奧謝罪。

同 九日

●墨西哥革命軍戰勝……墨西哥革命軍。大破政府軍於阿泰彌拉。政府軍退守坦比柯。英美德三國軍艦。均急向坦比柯進發。

同 十日

●土耳其財政大臣更迭……土耳其新任高畢德為財政大臣。

同 十一日

●俄國陸軍預算之增加……俄國本年度陸軍預算。超過一千二百五十萬鎊。比前年度增加十分之三。實因德奧兩國報紙排俄之故。

●英國海軍預算……英國本年度海軍預算。為五千一百五十五萬鎊。其製艦計畫。擬建造戰艦四艘。輕裝巡洋艦四艘。驅逐艦十二艘。潛航艇若干艘。

同 十二日

●土塞條約調印……土耳其與塞爾維亞之平和條約調印。

同 十三日

●義國新內閣組織……義大利王。命撒蘭德拉就組織新內閣之任。

●日議會議決裁減海軍費……日本貴族院。本日討論總豫算案。議決裁減海軍補充費七千萬圓。

●俄國之殖民計畫……俄國帝國會議。主張殖民於土耳其斯坦荒地。擬支出二億盧布。為移民開土之費。

同 十四日

●俄德奧之國際關係……俄德奧三國報紙。互相攻擊。頗引起國際上之輾轉。俄國內閣。於本日召集有名議員。密議外交上及軍事上之重要問題。

同 十五日

●歐洲風災……歐洲海岸大風為災。覆舟毀屋甚衆。俄國古班地方。並發洪水。沖毀鐵路。溺人無數。

●日本大地震……日本秋田縣大地震。毀壞房屋無數。電線鐵道。均被倒壞。汽車不通。

同 十六日

●法國閣員更迭……法國財政總長喀羅氏。因其夫人殺害斐格羅報主筆辭職。內務總長魯紐爾。改任財政總長。商務總長麥爾維。改任內務總長。內務次長包羅。升任商務總長。

同 十七日

●義大利新內閣成立……義大利自由派之撒蘭德拉內閣成立。外務大臣。以虬理雅諾任之。

同 十八日

●英國內閣之危機……英國統一黨領袖。因反對愛爾蘭自治問題。提出彈劾內閣案。以三百四十五對二百五十二票之多數否決。烏爾斯太之亂狀頗著。政府已添派戍兵。

●法國海軍大臣更迭……法國海軍總長摩尼辭職。上院議員高邱氏。新任為海軍總長。

同 十九日

●奧拘俄諜……奧京維也納拘獲俄國軍事偵探九人。其中七人。皆俄國參謀部人員。已審定處以監禁之罪。

同 二十日

●英國愛爾蘭之紛亂……英國愛爾蘭自治問題。政府與在野黨勢漸決裂。烏爾斯太各地。均起暴動。政府接續派遣軍隊前往維持秩序。惟將士均拒絕抵抗烏爾斯太派。因之辭職者頗多。情形甚為棘手。

●日本大正博覽會開會……日本於本歲在東京舉行大正博覽會。於本日開會。

同 二十二日

●德皇抵奧……德國皇帝至奧京維也納。會與國皇帝及其太子。此行於政治上頗有關係。

●亞爾巴尼亞之戰事……亞爾巴尼亞人與伊畢拉斯人開戰。兩方互有死傷。

同 二十三日

●日本議會停會……日本帝國議會。因豫算案不成立。政府奏請於本日起停會三日。

同 二十四日

●日本內閣辭職……日本山本內閣。因豫算不成立。於本日提出辭職表。

同 二十五日

●英國陸軍大臣辭職……英國陸軍西里氏。因愛爾蘭事件辭職。參謀總長弗倫。亦提出辭職表。

●墨西哥革命軍敗績……墨西哥革命軍。在脫倫武地方。為政府軍所敗。死傷達二千餘人。向北方而退。

同 二十六日

●希土談判開始……希臘政府與土耳其開議愛琴海島嶼問題。及各地築城事件。

●伊畢拉斯獨立之交涉……希臘政府與伊畢拉斯獨立國交涉。希臘願讓以特別權利。令其取消獨立。

●墨革命軍又陷要地……墨西哥革命大將維拉。攻陷德倫。

同 二十七日

●俄羅之親善……羅馬尼亞太子與其子加羅爾親王。至俄京聖彼得堡。俄人熱誠歡迎。加羅爾親王有與俄帝第二皇女締婚之說。

同 二十八日

●日本戰艦進水……日本扶桑號戰艦。本日本在吳工廠行進水禮。

●英國政局之紛糾……英國總理大臣愛克斯。因西里氏辭職。自兼陸軍大臣。參謀總長仍留任。樞密院議長。復有辭職之說。愛爾蘭將士。頗不用命。政府主張盡力壓制之。

同 二十九日

●希臘歡迎德帝……希臘王及王妃王太子。歡迎德帝於柯爾克。

●英國礦工罷業……英國約克細亞州礦工。因工資問題罷業。

同 三十日

●美國下院通過巴拿馬運河航行費案……美國下院對於巴拿馬運河法之美船無費通航規定刪除案。以二百四十八對一百六十二之多數否決。